



## **rē yīnga yāmb mii y Soabā sēn yeele?” Tı b yeele: Wēnd la A Tēn-tuumā n mi. T’a yeele: ad Mam yembsā pugē, vēega beoog tı neb be beenē n kō sıd ne Maam, la kıfl ne Maam**

Yii a Zayd [bn Haalid [bn Alghany nengē, Wēnd yard be a yīnga, a yeelame: Wēnd Tēn-tuumā, Wēnd puusg la A tıgr be a yīnga, puusa ne bāmba, Fagr yibeoog Puusgā Hudaybiya zīigē wā, la yaa saag sēn ni yungā poorē, la Nabiyaamā sēn wa n se Puusgā, a lebg n togla nebā n yeele: “ rē yīnga yāmb mii y Soabā sēn yeele?” Tı b yeele: Wēnd la A Tēn-tuumā n mi. T’a yeele: ad Mam yembsā pugē, vēega beoog tı neb be beenē n kō sıd ne Maam, la kıfl ne Maam, la sã n yaa neb nins sēn yeel-b tı tōnd paama saag niib ne Wēnd kũunā, la A yolsgā, bāmb yaa sēn kō sıd ne Maam, n kıfl ne ādsā, la neb nins sēn yeel tı: yaa ād-kāngā la ād-kāngā sababo la tōnd paam saagā, bāmb kıfla ne Maam n kō sıd ne ādse”.

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Hadiisā wilgdame tı Nabiyaamā, Wēnd puusg la A tıgr be a yīnga, puusa yibeoog Puusgā, Hudaybiyat zamaanā, yē me yaa tēnga sēn pē Maka, la yaa saag sēn ni yung poorē, T’a sēn wa ning sallemā n se a Puusgā, la a sēn togl nebā ne a nengā, n sok-ba: “rē yīnga yāmb mii būmb ning yāmb Soabā, A Naam yı wagell n zēk sēn yeel-a? Tı b leok-a : ad Wēnd la A Tēn-tuumā n yud minim, T’a yeele : ad Wēnde, A Naam yı wagell n zēke, a vēnegame tı nebā, b puıta kōbg a yiibu, saag sēn wat n ni, kōbg n be n kō sıd ne Wēnde, A Naam yı wagelle, tı kōbg be beenē, n kıfl ne Wēnde, A Naam yı wagelle ; La sã n yaa neb nins sēn yeel tı saagā nii ne Wēnd yudlem la A yolsgā, n rık saagā niibā n kō Naaba A Wēnde, yē yaa ned sēn kō sıd ne Wēnde, sēn yaa Naamdā, n yaa Kēnesdā, bon-naandsā pugē wā, ne A sēn rata, la a kıfl ne ādsā. La sã n yaa neb nins sēn yeel-b : « tōnd paama saaga, ād-kāngā sababo », yē yaa sēn kıfl ne Wēnde, n kō sıd ne ādga, la yē yaa kıflg sēn yaa kıflg bila, n ka yiisd ned lıslaangē ye, bala a rıka saagā niibā n yeel tı yaa ād-kāngā sababo, la Wēnd ka maan tı ādsā yaa sabab sãri wεengē, ne saag niib ye, A lebg n ka maan-ba tı b yaa sababo, kordg wεengē ye, La sã n yaa ne neb nins sēn rık saagā niibā, la zēng sēn ka rēnda, sēn yaa yeı nins sēn maand tēngā zugā, n rık-ba n tōkd ne ādsā kēnā, b pukri la b luuse, n loe n wāage, tı yaa ādsā mens n maan tuumdā sıd-sıda, woto yaa kıflg bedre, n yiisd ned lıslaangā pugē.

النجاة الخيرية  
ALNAJAT CHARITY

